



## Universitätsbibliothek Paderborn

**Floremundi Raemundi V. Cl. Olim Consiliarii Regis  
Galliarvm Ex Calviniano Catholici Synopsis Omnia hujus  
temporis Controversiarum tam inter Lutheranos,  
Calvinistas quam alios plurimos. Sive Historia ...**

**Raemond, Florimond de  
Coloniae Agrippinae, 1655**

IV. De Senioribus, & Superintendentibus.

**urn:nbn:de:hbz:466:1-10880**

pertinentia, velut sacerdotum rex administrat. Personam haec dignitatem ac functionem alius inde, ac rursus alius, munere velut in orbem redeunte, accipit: si que ex Episcopis rursus simplices sunt sacerdotes, & vicissim: ut Luna non saepius vultum, quam talis Ecclesiæ corpus caput suum mutet.

II. At quam pulcre vos, ô Reformatores ac Reformati, ac vestræ Ecclesiæ formam expressis qui de Gothis loquens, non minus in Clericorum electione in constantibus, Eos, inquit, modo apostatas, modo alios ex infimis fratribus hominum ad Episcopatus munus assumere, ut quum veritate ad doctrinam suam pertrahere eos nequeant, hac dignitatis specie inescient. Hodie ergo hunc, cras alium habere Episcopum; hodie Presbyterum, cras Laicum. Huic enim hominum generi non minus quam Clericis ad Ecclesiastica munera apud ipsos adiutum patere. Atqui, ô boni, tam arcto inter se vinculo Pastor & Grex colligati esse debent, ut olim indissolubili illi Matrimonij vinculo comparati sint (a). Namque ob causam Episcopi apud nos dum consecratur, annulum tamquam desponsationis suæ cum grege artham accipiunt. Vt ergo marito cum uxore diuortium facere non licet, sic neque Pastori gregem suum deferrere, quamcumque ob causam, nisi singularem personam suæ persequezionem. Vbi namque periculum commune est tum præcipue tamquam vigilans canis lupis se se opponat, ac virtutem suam in defendendis ouibus ostendat necesse est. Averum igit purgatur: & boni gubernatoris virtus acperitia (quod Nicolaus Papa gregem deserere volenti respondisse dicitur) in tempestate magis quam mari tranquillo eluet. S. Athanasius ad tempus quidem à sua discessit Ecclesia; sed eo quod soli ipsi periculum intentaretur. In Catholica certe Ecclesia diuortium hoc non nisi supremi Pastoris consensu fieri potest. At in noua illa & spuria, si forte Minister nimis tenue habeat stipendum, statim velut in milites nostri, optimus querit; immo abdicato priori munere, aliud lucrosius vita genus amplectitur. Horum sane ego multos noui, At in Dei Ecclesia, ex D. Apostoli præcepto, quisque in vocatione sua manet, ad quam vocatus est.

III. Eadem confusionem maiores nostri in priscis notarunt hæreticis. In Gallia vero nostra quia si qui primi civilis belli ignem accenderuissent, nihil magis quam ignem formidant, in multissimas urbes plerique confugere soleant. Neque enim illud eis persuaseris, Cineres corporum suorum se-

mentem Ecclesiæ saturum (b). Quod si Minister parum curus sibi videatur; incommoda simulata valetudine, aut alio quæsto prætextu, relieto grege, aliò abit. Sed & ipsi Pastores à grege nonnūquam, quod yel eius sermones vel mores minus placeant, abdicantur; aut negato stipendio, abire coguntur. Aut si quis aduenia consensu suggestu melius declamasse visus sit, ordinarius ille aut discedere, aut collegam hunc, velit nolit, recipere iubetur.

IV. Præter hos Ministros, Seniores habent, qui super grege suo vigilant, omniaque ad Constitutionum communia scandala deferunt, præcipue se quis Missæ aut Iesuitæ alicuius concioni interfuisse deprehensus sit. Horum munus est conuocare populum, unde etiam apud Gallos Surveillans, id est, Superintendentes, appellantur. Differunt tamen hæc inter se nomina. Seniores enim à Græco πατριαρχος; Superintendentes vero à voce Επισκοπος dicti videntur. Præpostero sane ordine: quum apud nouos istos Euangelicos Episcopi Ministrorum sint ministri, aut Consiliarii, atque ita summo quem in primitiva Ecclesia semper obtinuerunt, gradu exciderint. Quia vero pro regionum diversitate tam nomina quam munera ista variant, & aliter apud Germanos aliter apud Gallos usurpantur: nobis illud indicasse satis erit, in Caluinianæ Ecclesiæ anarchia ordinem ab eo quod D. Paulus tradidit, toto cœlo, quod aiunt, dissidere. Hic enim primo loco ponit Episcopum (qui Gallis est le surveillant) secundo Presbyterum, tertio Diaconum: at apud Calvinistas Presbyteri seu Seniores multo pluribus ceremonijs elongantur quam ipsi Ministri, qui tamen Episcopi videlicet volunt. Tribus enim continuis septimanis eorum qui ad hoc munus electi sunt, pro concione nomina proclamantur, ut omnes in eorum vitam diligenter inquirant. Idem Ministros, si quid forte quod enorme ipsis videatur dixerint, aut aliud quod minus placeat fecerint, deponendi auf saltim silentium eis imponendi, donec proximo Colloquio aut Synodo certum quid decretum fuerit, habent potestatem. O dignos Theologicis decidendi controveneris iudices! Minister tamen ita deposito recurrere licet ad tres proximos Ministros; quorum trium virorum consensu ille donec de re tota statuatur, restitu potest: precario interim munere fungens neq; vilium super gregem habens

a Inno. 3. lib. 1. Myst. Miss. c. 61.

b Tertull. ad Scapulam.



bens jurisdictionem, adeo ut de causis matrimonialibus, vix antea, cum amplius cognoscere aut sententiam ferre non possit.

V. Diaconi sunt Ecclesiastici exercitij custodes, qui argenteum ad stipendia Ministris exsoluenda colligunt, & agentes visitant, rebusque necessariis iuvant (quod manus ueste & laboriosum & tardiosum Ministros nimis delicatos in hos deriuasse Launaius scribit) & venientibus, aut alijs quibuscumque peregrinis ex Ministrorum iussu & Consilio, stipem largiuntur. Illis qui fixum habent domicilium, nihil nisi de totius Consistorij consensu datur; ac ne obolus quidem, nisi eis qui eandem cum ipsis profiteantur religionem. Qua quidem in tanto rigore videntur, ut Ludimastri prohibitus sit neminem docendum suscipere, qui sit Catholicus. Paupertatem vero alleganti, parum quidem eleemosynis datur, quo tanto facilius se suoque sustenter. Hoc vero officium Caluinus Diaconis tribuit, eo quod a Margarita Nauarræ regina eleemosynæ, cuius nomine, quatuor quos Francos vocant millia, ad ipsum misserat, male administratae insimularetur. Sed quæstorihi Ecclesiastici eleemosynis non contenti, vterius etiam progrediuntur, & ut quidam scribit qui liberos ipsorum & rationes inspexit tributa ad communes sumptus viritim indicta colligunt, quinam apti sunt armis tractandis explorant, omniaque diligenter ad Consistorium referunt. Immo velut Delphicis sunt gladij. Sunt enim Ostiani, Lectores, ministri Consistorij. Idem Ministri Cœnam administrantibus assistunt, & nemiseri oīmio labore rumpantur, vitrum communicantibus porrigitur. In quib[us]dam locis, ut apud Pictavienses, idem à Consistorio pro lubitu ordinantur ac rursus deordinantur, conciones habere & baptisate iubentur: ac velut lampadem mutuo sibi tradunt. Miser ille Babinotus, quem Caluinus primum munere isto & nomine ornauit, falsamentarius postea fuit. Alibi vero etiam praeter hos nescio quid alii sunt officiarij, quos Cantores, Lectores, & Monitores (*Adiutorii Galliæ*) vocant. *Cantoris* est Psalmos intonare, cathedralm suam habet infra suggestum, aliquanto altius eleuatam, ut ab omnibus conspici & audiiri queat: estque homo laicustam vitæ genere quam vestitur. *Lectores* populo Ministeri aduentum expectant, caput aliquid è Biblijs est suggestu prælegunt: quidlibet etiam Diaconi appellantur. Mo-

nitores plerumque sunt ex infimo hominum generis, & ostiatim circumvenires, delatos ad Consistorium euocant: interim vero dum illi caussam dicunt, ostio adstantes, omnia ea quæ dicuntur auctoritate sollicitate explorant, ac deinde coram illo conscientiarum Tribuiali, Consistorio inquam, exponunt. In ditione Benearnensi Reformati isti sex Superintendentes constitutos habent, qui Ministrorum munere non funguntur, sed eorum tactum quæ ad Synodos congregandas vel anticipandas pertinet, curam gerunt; suntque homines idiotæ, omnisque literatæ, ut plurimum imperiti. Quinetiam albo Ecclesiasticorum Officiorum quæstorihi seu Ecclesiasticorum pecuniarum Receptores adscripti sunt, quorum munus est, ut supra quoque dixi, non Ministris modo, sed & ducibus ac militibus stipendia exsoluerent. Sic ergo Diaconi hi veluti lani bifrontes sunt; ut qui facie vna cœlum, altera terram spectant. Aique hæc quidem officiorum Ecclesiasticorum apud Caluinistas est ratio, longe dissimilata ei quæ à S. Ignatio traditur, ubi inquit, Episcopum super omnes habere potestatem, & in hoc filium Dei quodammodo representare. Ordinem Presbyterorum nihil aliud esse quam sacrum Collegium eorum qui Episcopo assistunt. Diaconos velut Angelorum esse imitatores, qui ministerium exhibent purum & immaculatum.

VI. Porro & Ministrorum Seniorum, ac Superintendenter arbitrio Colloquia instituuntur, & auctoritate diriguntur. Hæc vero quæcumque plurimum toto anno celebrantur, ad quæ vicini Ministri cum suo quaque Seniore conueniunt, & de doctrina disputant, aut controverbias, si quæ inter pastores aut greges existent, componunt, omnia denique de quibus proxima synodo deliberandum videtur, colligunt. Neque enim quidquam pro rato habetur, nisi quod synodus ratum esse iussit. Synodus vero duplices sunt, Provinciales ac Nationales. Generales enim seu Vniuersales nullas habent: quum Angli Caluinistæ Gallorum nec Fidem nec Religionem, malto minus ceremonias probeant. Germania quoque nihil sere cum utrisque commune habet. Sed quid dico Germaniam? immo exiguis ille pagus Benearnensis suam habet peculiarem sibi formam. Provincialis synodus quartannis celebatur, cui quidem Ministri omnes cuiusque provinciæ, vna cum vno ex Senioribus intersunt: quorum deinde omnium suffragij